

CHRIS

Dum



Cim

1921-

-1923

Autor,  
cum,

quis esto  
liber!

Theolog 3043 h

39. VI. 21.

Notandum ex hoc libro

Coel Melanctone. pag -- 215

quod sit Sacramentarius

De Proelio quod sit etiam

in nonnullis faueret 220.



1800

1800

D. O. M. A. E. C.

Disputatio X.

COLLEGIi CORPORIS DO-  
*ctrinae Prætenicarum Ecclesiarum,*

DE IUSTIFI-  
CATIONE HOMI-

NIS CORAM

DEO.

*SVB PRÆSIDIO*

COELESTINI MISLEN-

tæ, SS. Th. D. eiusdem, ut & Hebr.

lingvæ Profes. Ordinar. Consistorii

Sambiens. assessoris.

RESPONDENTE

DAVIDE HOPPIO COS-

LIN: Pomer: Scholæ Palæo-

polit: Regiom. Correct.

*Publicè in Auditorio majori,*

*Iannar. habenda.*

REGIO MONTI,

Typis Laurentii Segebadii, Anno 1625.



VIRIS

*Admodum Reverendis Clarissimis, Doctissimis*

Dn. BERNHARDO DERSCHOVIO  
S.S. Theolog. Doct. & templi Veterop-  
pid. Regiom. Boruss. Pastori  
vigilantissimo.

Dn. JOHANNI BUTOVIO, Illustriss.  
p. m. Pomeranorū Principis Francisci, olim,  
nunc verò Illustriss. ejusdem reli-  
gidue concionatori Aulico.

Dn. JACOBO FABRICIO Illustriss.  
Principis Pom. &c. Bugislai XIV. Con-  
cionatori Aulico.

Dn. M. JOACHIMO BABBATIO  
Templi Cathedralis Regiomonti  
Diacono.

Dn. JOHANNI CRAMERO, Tre-  
ptovię ad Regam Archidiacono.

Dn. MARTINO BRASCHIO, Pa-  
stori Ecclesię Segerensis.


Dn. DAVIDI STRATZIO, Col-  
bergę templi S. Gertrudis Ar-  
chidiacono.

*Dnīs suis Fautoribus & Promotoribus,  
Affinibus & Consobrinis etatem co-  
lendis, hanc Disputationem  
Theologicam*

*Offert & dedicat*

*Respondens.*

*Cum. 1922 (J)*



*Disputatio X.*

DE JUSTIFICATIONE  
Hominis Coram  
DEO.

*Respondente Davide Hoppio Pom.*



Articulus de *Conversione*  
& *Regeneratione* Hominis, re-  
cte excipit articulus de *Justi-*  
*ficatione*: Ille namq; ordine  
Naturæ præcedit; hic sequi-  
tur: juxta illum homo ex mor-  
te spirituali vivificatur & excitatur; juxta  
hunc vivificatus justificatur: juxta illum totus  
homo nil facit ad sui esse spirituale, nilq; con-  
fert: juxta hunc, nil quidem de suo confert ad  
justificationem; apprehendit tamen *Justifi-*  
*cationis* media, eaq; sibi per fidem applicat.  
Expedito igitur, ac ab erroribus vindicato  
præcedente Articulo; præsentem legitimâ,  
ac concinnâ methodo enucleandum & repure-  
gandum duxere auctores libelli nostri. No-  
strarum quoq; erit partium telam instituti in-  
tra consuetos tractationis cancellos persequi.



## I. SEDES ARTICVLI DE Iustificacione.

De sumptus ac repetitus est hic articulus  
ex Augustanâ Confessione: ubi in articulo IV.  
verba sic habent: Item docent ( Ecclesiâ nostrę  
magno consensu) quod homines non possint iusti-  
ficari coram DEO propriis viribus, meritis, ac ope-  
ribus; sed gratis iustificentur propter Christum per  
fidem, cum credunt, se in gratiam recipi, & pec-  
cata remitti propter Christum, qui suâ morte pro nos-  
tris peccatis satisfecit. Hanc fidem imputat DEUS  
pro iustitiâ coram ipso, Rom: 3. & 4.

Explicatur porro, ac fufius deducitur hic  
Articulus in Apolog: nec non solide contra  
Pontificios defenditur. Differitur ibidem de  
causis iustificationis; ex professio verò 1. de genui-  
na fidei indole; 2. Ipsiſ officio &c; de impos-  
sibilitate implendi legem; de exclusione nostro-  
rum bonorum operum; ac meritorum ex foro iusti-  
ficationis. Deinde ex Articulis Sm alcaidicis, &  
quidem part. 3. artic. sub titulo: Quomodo coram  
Deo homo iustificetur? Verba articuli sic habent:  
Quod de iustificatione hactenus semper & assidue  
docui; mutare nec in animo possum, videlicet, nos  
per fidem ( ut Petrus loquitur ) aliud novum &  
mundum cor acquirere, & DEUM propter Chris-  
tum Mediatorem nostrum, nos iustos ac sanctos re-  
putare: Et si peccatum in carne nondum plane ab-  
latum; & mortuum est; tamen DEUS illud nobis  
non



non vult imputare nec meminisse. Reliqua quæ  
sequuntur in sequentis articuli explicatione  
recitabuntur.

## II. SYMMA ARTICVLI PROVT in libello nostro pertractatur.

Initio proponitur hujus articuli egregia  
commendatio; *partim* à dignitate, & eminē-  
tiā, quod sit præcipuus inter reliquos; corpus,  
& fundamentum totius scripturæ S. ; *partim*  
à necessitate, quod sine eo miseræ conscien-  
tiæ non possint habere certam, firmam & ne-  
cessariam consolationem; nec divitias gratiæ  
Christi agnoscere; *partim* deniq; ab utilitate,  
quod totam scripturam illustret, viam mon-  
stret ad verā agnitionem Christi, & ineffabilis  
ejus thesauri, quem in Christo habemus; &  
in universā Biblia januam aperiat &c.

Deinde recitatur occasionis series & cau-  
sa impellens institutæ repetitionis, & repurga-  
tionis quâ hunc Articulum; productis in me-  
dium Hæresibus Pontificiorum, Intermistarum,  
Majoristarum Oslandri, &c.

Tertiò *Thesis* Orthodoxa proponitur de  
Iustificacione, ejusq; causæ enumerantur 1. fo-  
rinsicus movens Misericordia humana Esai. 59. 2  
Internè movens, Gratia Dei Joh. 3. v. 16. 3.  
Christi meritum. Rom. 5 Gal. 4. 4. Organica  
seu fides Christi meritum sibi applicans, Rom.  
5. &c.

Quartò subiicitur Antitheseos refutatio,  
ac præcipuè errorum Oslandri & Papistarum,

### III. EXPLICATIO THESEOS.

Circa Theseos orthodoxæ assertionem,  
& explicationem; consideranda veniunt se-  
quentia membra: 1. De Vocabuli Justificatio-  
nis Distinctione, & propriâ impræsentiarum ac-  
ceptione: 2. De Justificationis Definitione: 3.  
De Justificationis Causis: 4. De Justifica-  
tionis propriis affectionibus.

#### De Primo.

Non juvat terminum Justificationis la-  
tius filo diducere; præstitum hoc jamdudum,  
idq; sufficientissimè ab aliis; uti videre est apud  
Dn. Chemnit; part. 2. Loc. de Justif. cap. 3. f.  
246. seq. Hutter. in L. C. artic. 13. de Justificatione  
f. 436. & seq. Meisner. part. 2. sobr. Philosoph. sect.  
1. cap. 1. quæst. 28. pag. 36. seq. Nobis suffi-  
ciat negotium duobus Theorematibus expe-  
divisse.

1. Justificatio in præsentì articulo sensu Foren-  
si intelligenda.

Octo circumferentur significationes apud  
Theologos vocis Justificationis: 1. pro judiciì  
exercitio 2. Sam. 15. v. 4. quò pertinet Matth. 11  
v. 19. 2. pro declaratione Ps. 51. v. 9. Matth. 12.  
v. 37. Jacob. 2. v. 21, 24. 3. pro promotione ad  
justiciam, informando, ac instituendo, Dan 12.  
v. 3. 4. pro augmento, in justiciâ acquiren-  
da



dā Apoc. 22. v. 11. 3. sensu comparativo pro superatione in bono, & malo Ezech. 16. v. 51. c. 25. v. 16. sensu Pharisaico pro sanctitatis arrogantia, Luc. 10. v. 29. c. 16. v. 15. c. 18. v. 9. 7. pro liberatione Rom. 6. v. 7. & 8. deniq; sensu forensi, pro absolutione alicujus à criminibus objectis, ac pro justo pronuntiatione: Quem quidem sensum cum primis hīc attendimus.

2. Iustificatio sensu Forensi est *ἐγγραφός*, hoc est, in scripturis S. expresse fundata, insuper quoad literam.

Tūm in genere ac sensu communi Gen. 4. v. 16. Deut. 25. v. 1. 1. Reg. 8. v. 32. Job. 27. v. 5. Ps. 2. v. 3. Prov. 17. v. 15. Esai. 5. v. 23. c. 43. v. 9. 26. c. 50. v. 8. Jer. 3. v. 11.

Tūm in specie quoad præsentem articulum. 1. probatur Luc. 18. v. 14. Act. 13. v. 38. 39. Rom. 3. v. 20, 26, 28, 30. c. 4. v. 2. 5. c. 5. v. 1. 9. c. 8. v. 30, 33. 1. Cor. 4. v. 4. Gal. 2. v. 16. c. 3. v. 8. c. 5. v. 4. Tit. 3. v. 7.

2. Probatur à requisitis actus judicialis, vel forensis; quæ in significationem justificationis in hoc articulo examusim cadunt.

1. Requisitum occurrit, nim. rem Job. 9. v. 2. 3. Ps. 143. v. 2. Rom. 3. v. 5. 2. Debitum vel peccatum Matth. 18. v. 24. c. 6. v. 12. 3. Accusator lex Rom. 3. v. 20. 4. Testis conscientia, Rom. 2. v. 15. 5. Tribunal Christi Rom. 14. v. 10. 2. Cor. 5. v. 10. 6. Advocatus Christus 1. Joh. 2. v. 1. 7. Iudex, Dominus universæ terræ Gen.

18. v. 25. Christus Matth. 25. Joh. 5. v. 27. Act. 10  
v. 42. c. 17. 31. 8. Gratia vel misericordia  
Ps. 25. v. 6. 7. & 103. v. 10. 9. Absolutio vel re-  
missio peccatorum Ps. 25. v. 11. & 32. v. 1. &  
51. v. 2. & seq.

Plura argumenta urgent Dn. Menzerus in  
Exeg. art. 4. p. 267. seq. Et disput. 5. Antipistor:  
Thes. 9. Item Dn. Meijner p. 2. Sob. Philos. d. l. p.  
340. seq.

§. 1. Notandum autem & hoc insuper di-  
ligenter fuerit: Primò Justificationem hoc sen-  
su forensi, vel judiciali dupliciter accipi posse.  
1. Activè, & tunc significat absolutionem, seu  
actum ejus, qui absolvit. 2. Passivè & tunc  
denotat absolutionem, quā aliquis absolvitur,  
vel receptionem absolutionis. Sicut & re-  
demtio capitur vel pro actu redimentis; vel pro  
receptione redemptionis, ejusq; fruitione, pari-  
ter de regeneratione, renovatione & sanctificatione  
judicandum. Uterq; autem sensus hic retia-  
neri potest.

3. Deinde Justificationem esse. 1. aliam  
Legalem, & taliter comparatā, cum homo pro-  
pter opera secundum legē divinam præstita in  
foro justitiæ divinæ consistit. Talis justitia,  
uti locum in statu innocentiae habuit; ita in  
statu Gloriæ habebit; nec est hujus considera-  
tionis. 2. aliam Evangelicam, qua homo ob  
violationem legis multiplicem propter DEI  
gratiam, & Christi meritum fide apprehensum



sum à culpâ seu peccato, & pœnâ absolvitur. De hac nobis in subsequentibus restat agendum.

## De Secundo.

§. 1. Est igitur, *Iustificatio divina absolutio eaq; gratuita hominis peccatoris à culpâ, & pœnâ, propter meritum Christi fide apprehensum; ad ostensionem iustitiæ Dei & salutem æternam hominis.*

2. *Generis loco ponitur absolutio seu terminus in Categoriâ Actionis propior; restringitur postmodum per causas loco differentię positas: Fit namq; mentio Efficientis ipsius Dei, ejusq; Gratiæ; Meritoriæ hoc est satisfactionis Christi; Organice h.e. fidei. 2. Materialis h.e. hominis peccatoris. 3. Formalis quæ consistit in remissione gratuitâ reatus & pœnæ, pro peccatis debitæ. 4. Finalis & quidem duplicis: 1. Ex parte Dei, estq; ostensio iustitiæ divinæ. 2. Ex parte hominis, estq; salus ac vita æterna. Singula hæc sigillatim sequenti membro erunt consideranda.*

## De Tertio.

§. 1. Inter causas Iustificationis, primum *Efficiens* obrinet locum.

2. Est verò *Efficiens alia Principalis, alia minùs Principalis.*

3. *Principalis* est *DEUS* ipse: is namquè solus potest remittere peccata *Elaï. 43. v. 21. Matt. 9. v. 34. Mar. 2. v. 7.*

4. *Movens intus est Gratia DEI*, Rom. 3. v. 24. vel *Misericordia* Eph. 2. v. 4. Tit. 3. v. 5. 1. Pet. 1. v. 3. quæ in Scripturis S. tribuitur omnibus tribus personis : Patri quidem Ioh. 3. v. 16. 1. Ioh. 3. v. 1. Filio Gal. 2. v. 20 Ephes. 5. 25. spiritui S. Rom. 5. v. 5. 1. Cor. 6. v. 11. 1. Pet. 1. v. 2.

5. Porro *Gratia DEI* in hoc articulo denotat paternum illum divini amoris favorem, ipsamq; misericordiam, & gratuitam acceptionem: quâ Deus ad miserationem generis humani permotus, omnes per Filium suum redemit, omnibusq; in eundem credentibus, peccata remittit, & vitam æternam donat. Huc spectat *eudoxia* Dei voluntatis Eph. 2. v. 9. 2. Tim. 1. v. 9. dilectio vel caritas 1. Ioh. 4. v. 9. 10. Rom. 5. v. 8. Eph. 2. v. 4.

*Theorema 1. Gratia DEI est causa prima, summa, & sola iustificationis nostræ coram ipso. Ratio, DEUS namq; in commiseratione nostri nil aliud quàm se ipsum respexit: nilque præterea in homine: Hinc gratia in articulo iustificationis opponitur dignitati, operibus ac meritis nostris.* Luc. 1. v. 78. Esai. 43. v. 25. Dan. 9. v. 18. Rom. 3. v. 24. c. 4. v. 4 5. 16.

2. *Gratia Dei vel Misericordia seu iustificationis causa, non est absoluta; sed in Christi merito fundata.*

In præcedenti disput. monuimus duplicem esse gratiam Dei, 1. *Absolutam* quæ uti non



non est Evangelii propria; ita nec in Christi merito fundata, pertinens ad articulum *creationis*, & *providentiæ Generalis*.

2. Evangelii propria, adeoque in Christi merito fundata, pertinentem ad articulum *redemptionis*, & *justificationis*, quæ etiâ in Theoremate à nobis intelligitur, 2. Tim 1. v. 9. Ubi rectè monent Theologi: Misericordiam hîc non considerari respectu *essentialis principii* sui, sic enim *absolutam* nemo negat, Ratio, quia hætenus inter absolutissimum essentiæ divinæ complexum manet: nec foràs ad homines progreditur. Et sicuti DEus ipse est Ens quoddam *absolutissimum, purissimum, & summè Necessarium*: Ita Misericordia, sic in *actu primo*, & respectu *absoluti principii* sui considerata, est omninò *absoluta*, Longè verò alia ratio Misericordiæ divinæ est, quatenus *actu secundo* foràs ad lapsum genus humanum sese exercit: tunc *absoluta minime statuenda* erit; sed in Christi merito, ac satisfactione fundata. Ratio, DEus namq; nostri misereri non potuit, salvâ justiciâ sua: quippe non tantum Misericors; sed etiam Justus: Ergo flagitabat satisfactionem tum pro culpâ, seu reatu: tum pro pœnâ nobis luendâ. Hanc verò Christus sponte in se derivavit, atq; ita sanctè vivendo, & vice nostri moriendo justiciæ divinæ satisfactionem fecit; nosq; DEo patri reconciliavit. Esai. 53. 7. 4. 2. Cor. 5. v. 18. 19. 21. Hinc demum factum,

Quum, quod DEUS totius generis humani sit  
misertus. Spectant huc illa Effata: Miseri-  
cordia Dei in opere salutis perficiendo non absolu-  
te; sed determinatè ad Christi  $\lambdaύτρον$  consideranda:  
Deus non potuit misereri generis humani lapsi citra  
intuitum satisfactionis Christi: Misericordia DEI in  
Christi Sanguine nobis est parata: Gratia remissio-  
nis peccatorum in Sanguine Christi fundata est: Nul-  
la voluntas vel Misericordia respectu hominum fuit  
absoluta in Deo: DEVS omnium hominum est mi-  
sertus non quatenus erant peccatores; sed quate-  
nus Sanguine Filii DEI sunt redempti, & Deo recon-  
ciliati: Dilectio Dei ordinata presupponit iram ipsi-  
us: vel, dilectio in Deo non potuit habere locum  
priusquam iræ, vel iusticiæ Dei fuisset satisfactum.

Reliqua, quæ de Gratia Dei heic dici pos-  
sent, expeditimus Disp. 9. de causa intus mo-  
vente DEum ad conversionem hominis.

6. Altera porro causa iustificationis est Sa-  
tisfactio & Meritum Christi, de quo ex professo  
egimus, Disp. 5. circa officium Christi Sacer-  
dotale. Notentur solummodò paraleipomena  
Theoremata.

1. Satisfactio Christi excludit solutionem debi-  
ti respectu nostri: non vero miserationem DEI.  
Ratio illius, quia solutio non exigitur à no-  
bis: hujus autem ratio est, quia hoc pacto  
DEUS sibi ipsi satisfecit; id quod est miseri-  
cordiæ opus, tum sibi ipsi satisfacere: tum pro-  
pter hanc satisfactionem nobis gratis remit-  
tere



tere peccata per fidem in sanguine Christi  
Rom. 3. v. 24, 25. Ubi tenendum, quod Fili-  
us Dei, iusticiæ patris satisfaciendo, etiam  
suametsatisfecerit; Ratio, Est enim una & ea-  
dem Dei iusticia essentialis.

2. Satisfactio non est contraria remissioni:  
Ratio, quia non exigitur ab iis, quibus pecca-  
ta remittuntur: sed eis donatur aliena sa-  
tisfactio, & sic condemnantur peccata. Con-  
donatio autem illa est respectu nostri gratuita:  
quippe non à nostro merito profluens: respec-  
tu DEI verò non est gratuita: is namq; Chri-  
sti Satisfactionem loco meriti intuetur. Esset  
verò satisfactio remissioni contraria, si tùm  
satisfactio; tùm remissio in uno eodemq; sub-  
jecto fuerit considerata.

3. Satisfactio quoad meritum peracta fuit actu  
transitorio in terris; quoad applicationem peragi-  
tur in æternum in cœlis. De illâ loquitur Spiri-  
tus S. 1. Pet. 2. v. 24. De hac verò Rom. 8. v. 24.

4. Satisfactio respectu sui pertinet ad legem:  
respectu finis verò ad Evangelium. Ratio illius;  
quia iustitia Legalis eam exigebat; hujus verò;  
quia involvit Misericordiam divinam.

5. Satisfactio Christi est causa iustificationis so-  
litaria, plenaria, perfecta, omnibusq; numeris ab-  
soluta. 1. Ratione subjecti, pro quo, aut cujus  
vice, ac loco præstita: quod est universum ge-  
nus humanum. 2. Objecti, qualia sunt omnia  
peccata tùm originale, tùm actualia Tit. 2. v. 14

2. Omnes inimici nostri Luc.1.v. 71. manus omnium, qui oderunt nos v. 74. 3. Maledictio legis Gal.4.v.5. 4. Serpitus & metus mortis Heb.2. v.14.15. 5. Diabolus ibid. 6. Infernus, Ose.13.v.14. 7. æterna damnatio Rom.5.v.9. 1. Theff.1. v.10.

7. Porro Satisfactionem Christi statuimus causam solitariam, intellige in suo genere, non exclusis aliis subordinatis: id quod etiã de fide verum inferiùs apparebit: 2. in collatione ad nostra merita & bona opera; hæc namq; ex actu Iustificationis coram Deo prorsus excluduntur, Esai.63. Eph.2.v.13.

8. Forissecus movens causa eaq; minùs principalis est omnium Misericordia; de qua vide præced. Disput.

9. Causa Efficiens organica Iustificationis est duplex. 1. Ex parte DEI: 2. Ex parte hominis.

10. Organica ex parte Dei est vel offerens; vel obsequans.

11. Offerens est Verbum DEI, & quidẽ audibile. Egimus de hoc disput. præcedent. Unde etiã repeti potest. Hoc unicum addimus, & monemus *Ἰεωαννῆς*: Mentione verbi Dei à nobis intelligi Evangelium. Quo nomine excludimus. 1. legem in propriã & genuinã significatione: 2. reliquas Verbi divini particulas in codice sacro comprehensas: ac proinde intelligimus solum Evangelium specificè sic dictũ, in quo 1. Gratia, vel Misericordia Dei, omni-

bus ex aquo offertur : 2. Beneficia Christi merito acquisita omnib9 ex aquo promittuntur ac proponuntur : 3. per quod virtute Spiritus S. fides justificans in homine accenditur. Rom. 1.v.16.c.10v.8. 1.Pet.1.v.23. 1.Ioh.3.v.9. 4. per quod *salvatur*. 1. Cor.15.v.2. Jacob.1.v.21. Et quod Evangelium non solum sit fidei *objectum*; sed etiam efficiens organica, ut supra Disput. 7. indicatum fuit, & Disput.9.

12. *Obsignans organica* est utrumq; *Sacramentum* Initiationis; tum confirmationis, h. e. Baptismus & Cœna Domini de utroq; supra Disput. 9 & inferius ex professõ:

13. Ex parte hominis causa organica est *Fides* in Christum.

Cur autem organon ex parte hominum dicatur, ratio hæc est quia nullum aliud nobis relictum est medium divinitus, Gratiam Dei, & Christi meritum in Verbo & Sacramentis oblatum apprehendens, sibiq; applicans, præter fidem salvificam.

Cæterum fidei naturam, & indolem fusius expendere ratio instituti nostri nos vetat: præsertim cum hoc operoso labore nos sublevarit Dn. Meisnerus in aliquot suis de *Fide Disertationibus* eruditissimis: quo etiã lectorem remitto. Breviter, & hoc pro instituto nostro ritè pertractando addimus; nos hîc non intelligere fidem qualitercunq; acceptam; sed *Fidem in Christum* vel *salvificam*, quam sic cum Dno. Huttera in L. C. describere poterimus: 14. Fide



14. Fides justificans est tum certa noticia, & fir-  
mus assensus Verbi Divini: tum insita, ac singularis  
fiducia in misericordiam Dei, certò statuens, gratis  
remitti peccata, per & propter Christum Mediato-  
rem omnibus in ipsum credentibus. Vel cum Dn.  
Menzero in Exeg. art. 4. p. 175. Fides justifi-  
cans est ex agnitâ divini verbi veritate per spiritû  
S. divinæ gratiæ seu misericordiæ per Christum re-  
demtorem, in promissionne Evangelicâ fiducialis ap-  
prehensio ad vitam æternam. Confer, Disput. 5.  
Antipistor Thes. 88. & seq.

15. Subiiciemus dilucidioris explicationis  
causâ, Fidei salvificæ affectiones nonnullas.

1. Fides salvifica est lumen in intellectu accensum,  
& fiducia in cordi:

Tres vulgo fidei actus, seu partes statuun-  
tur. 1. Noticia vel agnitio rerum mystica-  
rum in verbo Dei propositarum, & patefacta-  
rum: 2. Assensus, quo objecta divinitus patefa-  
cta h. e. in Verbo Dei homo apprehendit, iisq-  
ceu verissimis assentitur: 3. Fiducia. Duorû il-  
lorû actû priorum respectu pertinet fides ad  
intellectum: cui etiam sic inest: tertii rationi  
pertinet ad eor & voluntatem, Actor cap. 8. v. 37  
Rom. 10. 6. 8. 9. 10. quia fiducia potius sub affe-  
ctu erga promissiones gratiæ: quâ notitiæ gener-  
comprehenditur: hinc etia fides vocari merui-  
τοληροφορία, Rom. 4. v. 21. πεποιθις 2. Cor.  
4. Phi. 3. v. 3. πειρησια 1. Ioh. 2. v. 8. ὁ ὅς ἐστι  
οἱ Heb. 11. v. 1. Natum hinc Effatum: Fidei  
justifican

*Deus 4<sup>th</sup> xiv*

justificans propriè est in intellectu prædictio: Fides in voluntate est ἐνεργητικὸς.

2. Fides est rerum presentium, non quod videantur, tangantur, vel audiantur, sed quatenus Verbo & sacramentis offeruntur: Et quatenus certâ fiduciâ cordis apprehenduntur. Quo nomine Fides à spe differt; Hæc enim est rerum futurarum.

3. Fides totum DEI Verbum habet pro peripheriâ, vel circumferentiâ; Christum verò pro centro. Duplex nam est fidei objectum. 1. Generale, quod est omne Dei Verbum, omnis promissio divina. 2. Speciale, vel singulare, quod est promissio Gratiæ in Evangelio oblata, de remissione peccatorum, per & propter Christum. Ratione prioris fides non justificat, quippe 1. dubius solummodò actibus constans. 1. notitiâ. 2. assensu. 2. quia sic considerata est communis piis, & impiis: immo insuper in ipsum cedit Diabolum, Iacob. 2. v. 19: Ratione posterioris fides pertinet ad articulum Iustificacionis, sicq; justificat, ceu firma fiducia in merito Christi unice & indubitato acquiescens, Rom. 4. v. 23. 24. 25. Pertinet huc illud Theologorum effatum: Fides est necessaria in fide. Hoc sensu, quod in una, eademq; fide duplex occultetur fides: una quâ credamus, altera, quam credamus: per hanc intelligitur omne Dei Verbū seu omnia divini Verbi dōgmata; Ubi requiritur assensus, præsuppositâ notitiâ: per illam intelligitur τὴν πληροφορίαν; τὴν πεποίθησιν seu fiduciam.

*fiduciam justificans: unde etiam vocatur fides Christi, Gal. 2. v. 12. Illo respectu à nonnullis fides consideratur absolute; hoc verò relate: Illi opponitur ignorantia, dubitatio, negatio &c. huic opponitur dissidentia de Dei Gratia, & in credulitas καὶ ἐξοχάν.*

4. *Fides salvifica non in solos Electos; verū etiam in reprobos cadit. Dicitur quidem fides esse electorum Tit. 1. v. 1. sed nō tantum: quia ibidem v. 4 dicitur communis 2. Pet. 1. v. 1. sicut & salus, ex Dei intentione, Inde v. 3. idēq; fidei Spiritus 2. Cor. 4. v. 13. Confer Luc. 8. v. 12. 13. 14. Heb. 6. v. 4. 5.*

5. *Fides corda purificat. Act 15. v. 9. non inchoative; sed plenē: in foro Dei non sub ratione meriti; sed objecti; hoc est quatenus includit Christum ceu annulus pretiosissimam gemmam v. g. Hamatidem; Ubi annulo tali tribuitur effectus sistendi sanguinem, aim. ob inclusum hamatidem: Ita fidei tribuitur effectus purificandi corda nostra ob Christū fidei palam, vel perpheriam inclusum.*

6. *Fides sola justificat. Hoc sensu enunciatum axioma à nostratibus Theologis fassus est deductum, & evidum contra Pontificios. Vide Dn. Menzer. Exeg. p. 178. seq. Dn. Meisner. Anthropol. Decad. 3. Disp. 28. Thes. 57. seq. part. sobr. Philosoph. sect. 2. c. 2. quest. 11. p. 960. sequēt.*

*Fundamentum hujus effati extat Marc. 5. v. 36 Luc. 8. v. 50. Gal. 2. v. 16. Rom. 3. v. 27. 28. c. 4. v. 5. 6. 16. Gal. 3. v. 12. Ephes. 2. v. 9. Ubi*

*notum.*



notandum : 1. Fidem solam justificare, non pro  
ut est habitus, vel Qualitas, vel passio, aut actio  
quedam in nobis ; sed quatenus ei adheret  
relatio, & quatenus per eam Christo unimur ; vel  
quatenus est ut actus & exercitiū illius habitus.  
Deinde fidem solam justificare, non tamen so-  
lam existere: Est namq; bonis operibus stipata,  
& instructa : sicut auris non est, vel existit so-  
la : sola tamen audit; ut & oculus solus non  
existit; solus tamen videt. Deniq; fidem solam  
justificare instrumentaliter, non principaliter: 2.  
in respectu ad bona opera, & merita nostra  
(quæ in foro Dei excluduntur.) 3. quia sola in  
Dei Gratiam, Christi; meritum recumbit.  
Dicitur hinc fides instrumentum Spiritus S. per  
quod Christi satisfactio nobis applicatur, &  
communicatur; 2. manus apprehensiva, & ad judi-  
cativa : ideo quod Christum Jesum in Evange-  
lio nobis oblatum hac manu apprehendamus,  
applicemus & nobis adjudicemus: unde sequi-  
tur *πρὸς ἡμᾶς* libertas, *πεπιθῆναι* confidentia, vel  
fiducia ad Deum, *προσσεύχων* aditus ad Deum,  
Ephes. 3. v. 12. Rom. 5. v. 2. c. 8. v. 38. 2. Cor. 3.  
v. 4. Heb. 4. v. 16.

7. Fides iustificans est fons, & origo omnium  
Christianarum virtutum: quia in nobis parit  
spem, caritatem, patientiam &c. & reliqua bona  
Gal. 5. v. 22.

8. Fides salvifica artissimo vinculo connectitur  
cum adeptione nostri in filios Dei. Rom. 8. v. 15.

Gal. 4. v. 6. ob commendationem nostri apud Deum per Christum Rom. 5. v. 1. c. 14. v. 23. Heb. 11. v. 6.

9. Fides salvifica est vita animæ nostræ, Rom. 1. v. 17. Heb. 2. 3. 8. Gal. 3. v. 11. ex Habac 1. v. 4. non enim tantum semper viva ratione fructuū; sed animam nostram vivificat spiritualiter; eamq; sustentat, penem cœlestem vitam apprehendendo eundem manducando & digerendo hoc est. sibi applicando, loh. 6. v. 27. 29. 32. 36. 48. 50. &. Hinc fides dicitur animæ nostræ os, lingua, dentes stomachus & c. item anima animæ, ratio rationis & c.

10. Fides salvifica est victoria, & gloria nostra: Vincit enim invincibilem Deum Matth. 15. v. 28. hostes nostros superat, ac de illis triumphat, ceu sunt Diabolus, mundus caro & ipsa mors, loh. 5. v. 4. Heb. 2. v. 11. 33. seq. per fidem insuper gloriamur Rom. 5. v. 3. Heb. 3. v. 6.

11. Fides salvifica admittit gradus, habens sua incrementa & decremēta: non est enim in omnibus fidelibus perfecta; sed imperfecta tam intensivè, quam extensivè hoc est ratione rerum promissarum & fiduciæ. Rom. 12. v. 3. Matt. 8. v. 10 c. 15. 28. Marc. 9. v. 24. Ita tamen ut ejus essentia maneat, & vis justificandi, etiam in gradu exiguo constituta.

12. Fides salvifica ex thesi facit hypothēsīm. Est namq; affectus applicans promissionem gratiæ ad Individuum; & non ad specim tantū.

Et



Et quia fiducia propriè denotat applicatione  
alicuius boni ad eum, qui confidit: Hinc qui  
verà fiduciā erga Deum est præditus; satisfac-  
tionem Christi sibi propriam facit: Alias e-  
nim Iustificatio seu Absolutio à peccato per  
satisfactionem Christi nulla posset fieri: na-  
tum hinc illud Effatum: Omnes fidei conclusio-  
nes sunt singulares, & particulares: adeo ut fide-  
lis vel credens certò statuat Christum esse suum  
Mediatorem, unā cum omnibus beneficiis, quæ  
ab ipso seu capite ac fonte in membra profu-  
unt ac dimanant.,

13. Fides salvifica potest extingui, & penitus  
executi per peccata mortalia contra conscientiam per-  
petrata. Luc. 8. v. 13. Rom. 5. v. 13. c. 11. v. 20 Gal  
5. v. 4. 1. Tim. 1. v. 5. 6. 19. c. 4. v. 1. c. 6. v. 10. Heb.  
6. v. 4. 5. 6. 2. Pet. 1. v. 9. c. 2. v. 20. 21 Apoc. 2,  
v. 4. 5. Exemplo Davidis, Saulis, Iudæ, Hymenæi,  
& Phileti, &c.

14. Fides salvifica desinet in futurā vitā 1. Cor.  
13. v. 8. Ratio quia desinet ejus objectum, præ-  
dicatio Evangelii; ibi etiam spes desinet, seu ho-  
norum futurorum.

15. Hæc axiomata de fide salvifica suffici-  
ant: plura videri poterunt apud Dn. Meisnerum  
in disput. peculiari de fidei propriis affectibus  
nibus & effectis.

16. Satis de Efficiente: Materia vel subjectum  
Iustificationis est homo peccator non tantum.  
Effectus ab æterno, sed etiam reprobus contin-

git namq; & talem uti in Christum fiducia  
verâ & salvificâ; ita etiâ justificari, regenerari,  
& renovari. Subjectum namquè regeneratio  
nis conversionis & justificationis æquè latè  
patet. Confer. Disp. 9.

17. *Formalis causa Iustificationis est remissio culpæ originalis, & actualis; & imputatio Satisfactionis & meriti à Christo præstiti, in foro iudicii divini. Duò in Iustificatione concurrunt, termini unus privativus mali, h. e. res, quæ in homine existit, ac ei imputari deberet; & consistit, tum in oblivione, & non annunciatione peccati; tum in dimissione reatus culpæ originalis & actualis: Alter positivus boni h. e. Imputatio Iustitiæ & obedientiæ, vel meriti Christi: quæ res in homine non existit, quamq; minime promeriti sumus; pro iustis tamen, & sanctis hominibus à Deo reputamur. Hinc ob terminum privativum dicitur imputatio negata; ob positivum affirmata: Vtriusq; verò termini complexi absolvitur causa formalis Iustificationis nostræ: unico autem termino iustitiæ imputativæ à Theologis effertur. Ubi & hoc moriendum est, duos istos terminos à quibusdam statui partes formalis causæ distinctas; id quod admitti poterit, dummodò partes non intelligantur propriæ, ac realiter distinctæ: potius statuenda distinctio quædam rationis ob terminos, à quo & ad quem & affectum duplicem causæ formalis; ita ut Deum alterum includat, vel*

plø;

præsupponat. Declarari hoc potest simili exem-  
plo: sic orto sole, tenebrę ac nox atra dispel-  
luntur: Et vice versâ, tenebris d'iscussis. no-  
xęq; depulsâ, dies certò illucescit. Heic u-  
num duntaxat ponitur duobus intellectis, ut  
& minimè expressis. Pariter in Justificatio-  
nis formali causâ; impius iustus pronuncia-  
tur per remissionem peccatorum; adeoq; ju-  
sticia Christi imputata intelligitur: quia sine  
hac iustus reputari non posset: Et contrâ: Ubi  
ac homo iustus pronunciat propter imputa-  
tam iusticiam Christi; statim præsupponitur  
remissio peccatorum, quia sine eâ iustus repu-  
tari non potuit. Probatur nostra sententia  
Dan 9. v. 24. Gal. c. 2. v. 19. c. 3. v. 22. Ubi fit  
mentio termini à quo & ad quem. Rationibus  
etiam evincitur evidentibus à Domino Hut-  
ter in L. C. articul. 13. f. 475. A. B.

18. Theoremata: 1. In actu iustificationis  
imputatur homini peccatori iusticia Christi nō essen-  
tialis; sed acquisita obedientie meritis, Rom. 5. v. 19.

2. Imputatio illa iusticie Christi: & non im-  
putatio peccati est gratuita: Duplex imputatio  
nis fit in sacris mentio: Vnius quæ fit secun-  
dum debitum; alterius quæ secundum gratiam:  
in actu iustificationis imputatur nobis iusticia  
Christi secundum gratiam; non debitum Rom.  
4. v. 4, 5. exemplo Abrahami & Davidis.

3. Imputatio Obedientie Christi, & non im-  
putatio peccati est rationalis. Hoc est, per non im-



putationem peccatorum hanc intelligitur realis amotio, deletio, vel abolitio peccatorum; sed tantum rationalis: sic etiam per imputationem Iusticiæ, vel obedientiæ Christi, intelligenda erit transcriptio ejusdem rationalis, vel translatio per imputationem facta; ita ut iusticia Christi in credentem transcribatur, sicut in iusticia nostra à Deo in Christum transcriptra est.

4. Imputatio talis fundamentum ac sedem habet in mente, & voluntate divinâ.

5. Imputatio hec est maximi momenti (non verò res minimæ Entitatis) 1. ob fundamentum, quale est obedientia, & meritum Christi. 2. ob terminum, qualis est persona credens, cui peccata non imputantur; ea verò iusta reputatur coram Deo. 3. ob Rationem, quæ est Gratia, & misericordia Dei vel acceptatio personæ credentis in gratiam Dei, propter imputatam Christi obedientiam, & satisfactionem. 4. ob effectum præstantissimum, nim. consolationem firmissimam, quam conscientis consternatis & afflictis suppeditat: Nam cum vel sanctissimi de propria iustitia nil solatii & auxilii sibi polliceri possint, ob lucam carnis & spiritus; ob peccata varia, & lapsus ad minimum in opinatos: utiq; confugiant, necesse est ad alienam, hoc est Christi iusticiæ imputationem, hocq; pacto solatium inde hauriant. 5. ob defectum alterius medii, quod hominibus

minibus post lapsum in integrum restituenda  
prodesset: quod argumentum egregiè deducit  
Do<sup>r</sup> Hut<sup>r</sup>. p.m. d. loco. f. 476. A.

*Finalis causa iustificationis est* 1. *Ex parte*  
*Dei ostensio iusticiæ ejusdem Rom. 3. v. 25. (in-*  
*tellige iusticiam Dei distributivam, & judicari-*  
*am, vel legalem: quâ bonis benè, & malis ma-*  
*lè facit; ejus effectus est, ut suum cuiq; tri-*  
*buat; impii puniantur; pii præmiis affician-*  
*tur, Rom. 1. v. 32. c. 2. v. 5. c. 3. v. 5. 2. Thess. 1.*  
*v. 5. 6. & c. ac ultimus gloria Dei. 2. Ex parte*  
*hominis salus, ac vita æterna Ioh. 3. v. 16. Rom. 1.*  
*v. 16. c. 6. v. 22. Tit. 3. v. 7. 1. Pet. 1. v. 5.*

## De Quarto, adeoq;

### de *Iustificationis Affectionibus*

1. *Iustificatio est articulus stantis, & caden-*  
*tis Ecclesiæ. Luther in præfat. super Gal. in*  
*Commentar. Ubi namq; hic articulus in cor-*  
*ruptus retinetur: ibi stare Eccesiã; ubi verò*  
*depravatus mendis populo obtruditur; ibi ca-*  
*dere Eccesiã certum est. Vide pro expli-*  
*catione uberiori hujus axiomatis verba libelli*  
*nostri statim in limine, & c.*

2. *Iustificatio est omnibus temporibus una &*  
*eadem: quia iisdem causis perpetuò constabat,*  
*& iisdem hodieq; absovitur, Act. 4. v. 12. c. 15.*  
*v. 11.*

3. *Iustificatio est actus individuus, impar-*  
*tibilis, ac simul totus: non fit enim successivè per*

certa initia, ac progressus; sed simul, ac in instanti omnes suos actus impartibiles ac totales praequirat, quibus etiam absolvitur: Patet praeterea ex hoc axioma: ex lege Morali nullam esse justificationem hominibus in Ecclesia militante sperandam: ratio quia justificatio uti est actus impartibilis & simul totus; ita requirit à nobis interruptam ac impartibilem obedientiam erga legem, ex toto corde; ex tota anima, & ex totis viribus: ubi verò vel in uno precepto quispiam praevaricatus fuerit; eo momento totam legis justificationem evertit, fitque omnium preceptorum reus, Iacob. 2. v. 10. Denique inde discrimen inter justificationem, & sanctificationem, vel renovationem luculentum desumi poterit: haec enim percipit gradus, certa initia, & incrementa de die in diem perficitur.

4. Justificatio fit tantum semel in hac vita. Intellige directe & essentialiter: alias etiam justificatio saepius restauratur, & renovatur quoties homo à peccatis resurgit & respiscit.

5. In actu justificationis homini obtingit 1. à peccatis absolutio. 2. pro justo reputatio & promissio; 3. premiorum quae justis debentur, largitio: 4. in filium Dei adoptio; Ioh. 1. v. 13. Rom. 8. v. 14. 15. Ephes. 1. v. 5. Gal. 4. v. 5. 5. pax conscientiae. Rom. 5. v. 1. Ephes. 4. v. 7. 6. fiducia de exauditione precum, Rom. 8. v. 15. 7. patientia, & tolerantia in cruce Rom. 5. v. 2. 3. c. 8. v. 28. 35. 3. & c. 14. E-



## IV. ENUMERATIO *Antisheſeos.*

Veteres errores recenset Dn. Chemnit. part.

2. L. de Iustifi. c. 1. ac dispescit, quod alii fuerunt  
sub V. testamento, tùm ante diduvium in Synagogâ  
Cainitarum; tùm postea annis fermè centum,  
sub Serug, teste Ireneo; sub Thare; imò in san-  
ctorum generatione, doctrina de justificatio-  
ne fuit variis modis obfuscata, & extincta.  
usq; ad tempora Abrahæ: ut & in servitute  
Egyptiaca, nec non post laxationem ejusdem  
in deserto 2. Cor. 3. v. 14. Insuper tempore  
Prophetarum tergemina de articulo justifica-  
tionis fuisse corruptelam, eruditè annotavit  
Chemnit. d. l. f. 236. B. Alii autem erant sub N.  
Test. partim tempore Christi, & Apostolorum:  
utpote Phariseorum, Luc. 18. v. 9. Scribarum Mat.  
9. v. 3. c. 19. v. 20. Luc. 10. 29. c. 18. v. 11, 12. Act.  
15. v. 1. Pseudo Apostolorum Gal. 2. v. 4. seq. c. 5.  
v. 1. seq. Philip. 3. v. 2. seq. partim post Christi,  
ut & Apostolorum tempora, utpote 1. Elio-  
nis & Cerintbi, negantium: Christum fide ap-  
prehensum sufficere homini ad justiciam, &  
salutem citra opera legis. 2. Simonis Magi,  
justificationem, & salutem ex gratiâ per agni-  
tionem suæ Helenæ promittentis, licentiamq;  
peccandi hominibus liberrimâ permittentis.  
3. Carpocratis, & Basilidis, libidinem tùm li-  
citam promiscuè; tùm necessariam ad salutem  
statu-

statuentis. 4. *Gnosticorum* docentium, fide, ut  
qualitate justificari: fidem non posse excuti ma-  
lis operibus, 5. *Manicheorum*, negantium  
per fidem in Christum homines salvari. 6. *Va-*  
*timanorum*, quosdam homines naturâ salvari,  
somniaentium; 7. *Apellitarum* omnes sectas  
rectè ambulare, & salvari, delirantium. Re-  
futurunt autem furores hosce & id genus ali-  
os potius, quàm errores; *Irenæus*, *Tertullianus*,  
*Clem.* *Euseb.* *Epiphanius*, &c.

## V. DE ERRORIBUS renovatis.

Libellus noster mentionem facit solum  
modò hæreseos *Papistarum* *Interimistarum*, *Ma-*  
*joristarum*, & *Ostendri*: quippe illo tempore  
in Ecclesiâ agitata: quia verò progressu tem-  
poris præsentem locum enormiter deprava-  
runt *Calviniani*, & *Photiniani*: utiq; insuper utri-  
quæ in medium producendi.

### I.

Errores *Pontificiorum* methodicè collegi  
in unum fasciculum *Dn. Mentzerus* in Exege-  
*A.C. art. 4. memb. 5. p.m. 181.* quò etiam lecto-  
rem brevitatis gratiâ, remitto: Huc etiam re-  
vocari suo merito potest error *Interimisticus*

### II.

*Majoristarum* error abundè sat reperitu  
confutatus in *Form. Concord. art. 3. in Antithe-*  
*memb. 11.* quod sic habet: *repudiamus ergo, &*  
*damna-*

amhamus hoc dogma: Fidem non justificare sine  
bonis operibus: Itaq; bona opera necessario ad lu-  
tiam requiri, & absq; eorum presentia hominem  
ustificari non posse: & artic. 4. Antith memb. 1.  
& in declarat. fufius.

### III.

Osiandri Schisma, & errorem plenariē  
fatis recensent auctores libelli nostri primō  
extra quæstionis aleam collocando: 1. num  
ad remissionem peccatorum opus nobis sit gratia  
Dei in merito Christi? 2. Num DEUS sit essentialis  
iusticia? 3. Num illa in credentibus habitet, &  
operetur, ut incipiant iustē agere? 4. An neces-  
sarium sit ut in homine sequatur renovatio, postquā  
fide iustificatus est? Omnium harum affirmati-  
vam concedebat ultrō Osiander. Deinde genui-  
num Quæstionis statum formando: Quæ nam sit  
vera æterna iustitia peccatoris coram Deo ad sa-  
lutem, & vitam æternam. de quā Rom. 3. & 4.  
quæ aliàs vocatur iusticia Dei, seu iustitia fidei?  
Ubi Osiandri responsio profertur partim remo-  
tiva: 1. Quod talis iustitia non sit Christus ve-  
rus Deus, & homo in suo merito: 2. nec sit gra-  
tuitō imputata: 3. nec sit impletio legis in Christo  
præstita: 4. nec remissio peccatorum, vel gra-  
tuita acceptio indigni, & perditī peccatoris  
ad vitam æternam propter Christum: quo no-  
mine perstringebat Augustanam Confessionem,  
ejusq; additos omnes vocat proditoris Iude con-  
sortes: à Diabolo fascinatos, & agitato; imō  
esse



esse canes, lues & vulpes, qui verbum Dei abjurarint: partim assertiva, & positiva: justiciam in hoc articulo, quæ sit ad salutem & vitam æternæ, esse, probitatē, in quā & sub qua omnes aliæ virtutes, intelligantur & comprehendantur si quis autem quærat; quid sit justitia illa vel probitas? Respondet Osiander. 2. Iusticiam esse illud, quod iustum inclinet, & moveat ad justè agendum; sine quo nec justus esse, nec justè agere potest: imò quod amplius est, quo Christus sanctissimam suam humilitatem justificavit.

3. Hanc justiciam esse Deum ipsum, aut essentialē Dei. 4. Christum secundum divinam naturam esse nostram justiciam, & non secundum humanam naturam. 5. Iustificare nihil aliud esse, quam re ipsā aut ipso facto iustum facere; justiciam influere; justiciam infundere; peccatū mortificare, expurgare, & prorsus delere: uti citatur sententia hæc ex aliquot Osiandri tractationibus: v. g. Confess. Smädtbier. Refutat. Nachtraben; concione super cap. 6. Rom.

Docuit ita Osiander heic Regiomonti Anno 1549. præsertim Anno 1550. in templo Palæopolitano, & Academiā nostrā; institutā publicā disputatione (anni prædicti) 24. Octobr. cui etiam Dux Prusie Celss. Albertus p. m. intererat: applausumq; Osiandro dederat; ac eo tempore in ipsis nassam abreptus (aliquandiuq; detentus, tandem verò Dei gratiā liberatus) sententiamq; suam Osiander scribitis divulgatis

supra

ſupra commemoratis accerrimè defenderat. &  
ſuper adſtipulatores opinionis ſuæ naſtus  
quamp̃lurimos, nempe Iohannem Funccium Dia-  
con. Veteroppidan; Matthæum Vogelium Paſtorem  
Cneiphovianum; M. Iohannem Seirum Pro-  
feſſor: ut & Iſinderum, Epiſtolum, Andream Au-  
riſabrum. &c.

Illud verò ante omnia ſciendũ: Oſiandrũ  
non hic Regiomonti primũ ſed dudũ Nori-  
bergæ talia dogmata inculcaſſe: teſtantur hoc  
ipſum aliquot tractatus Noriberge ab Oſian-  
dro conſcripti; ibidemq; ſenatui exhibiti: An-  
no Chriſti 1525, & poſtmodũ heic Regiomonti  
divulgati Anno 1533: inter alios quidam hoc  
circunfertur ſub titulo *Handlung eines Er-  
ſamen Weiſen Raths zu Nũrnberg mit ih-  
ren Pradicanten/ geſchehen M. D. XXII.* ubi  
ad articulo 3. Oſtander ſenſu per omnia Hære-  
tico de Iuſtificatione reſponſionem ſuppe-  
ditaffe deprehenditur: Alter ita inſcribitur:  
*Ein gut vnterricht/ vñ getrewer Rathſchlag ze  
an einen Erbahrẽ Weiſen Rath zu Nũrnberg.*  
Anno M. D. XXV. Vbi circa Quæſtionem:  
*Warumb Gottes Wort iſt Menſch worden?*  
hæreſin ſuam manifèſtè prodidit de iuſtificat.  
hanc fieri per eſſentialem Dei iuſticiam in nobis ha-  
bitantem: cui quidem ſententiæ alii Oſtandri  
Symmyſtæ, Dominicus Schleupnerus, & Thomas  
Venatorius ſubſcripſere, Teſtatus idipſum  
quoq;

quoq; erat Dn. Lutherus: is enim audito pro  
concione, Oslandro, pronunciavit fatidico spi-  
ritu Oslandrum nimis alto sapere, ac verendum esse,  
ne quando Oslander Ecclesie opinione sua valde  
suspecta de justificat: articulo officiat. Non au-  
sus tamen erat idipsum scriptis suis attentare,  
in vivis superstite B. Luthero; donec tandem  
resignato officio suo Noriberge declinandi Me-  
maxcum illum Gothurnum (Interim cognomi-  
nem) studio, Anno 1548. primū. Vratislaviam;  
postmodum inde a Duce Celss. p. m. Alberto evoca-  
tus huc Regiomontum deveniret: hujusq; erro-  
ris reus a Frideribo Staphylo tūc temporis  
Profess. nostræ Academ. apud Principem per  
litteras ex Germania (quo ob pestem in Bo-  
russia grassantem secesseretur) missas accersere-  
tur: ex cuius iussu & mandato disputationem  
illam commemoratam, indicato loco, & tem-  
pore exhibere necessum habuerat.

Ceterum errorem Oslandri impugnabant  
quamplurimi in Borussia; imprimis Möra-  
linus, Hegemon; Venetus ut & Chemnitius no-  
ster; extra Borussiam verò Nicol. Gallus, Valenti-  
nus Curtius, Paulus ab Eitzen, Westphalus, Kitte-  
lius, Heshus circa Anno 1560. & ultra: Mu-  
seus, Autumnus, Rosinus &c. circa Anno 1567.  
& postmodum damnarunt eundem auctores For-  
tiori. Anno 1580. arti. 3. inq; ejus decla-  
ratione. Unde etiam refutationem suffici-  
entem lector petere poterit, Videatur infu-  
per



per Confessio, & declaratio Theologorum Wittenbergensium, Brentii & aliorum, de praesenti articulo: commemorato Duci huc Regionum transmissa, Anno 1553. mense Aprilis, & postmodum typis divulgata Anno 1554. 27 Septembr per Iohan. Daubman: nec non publico Principis decreto, ac mandato in omnes Ecclesias & Scholas introducta, & ceu pia, & orthodoxa recepta; eodem Ann: 24. Septembr: Verba illius dicti sic inter cetera sonant: Befehlen wir derhalben hiemit ernstlich gebietend / allen vnd jeden vnsern Pfarherrn das sie forthin der Wittenbergischen Kirchen Confession, Declaration, vnd deroselbigen lehr sich gemess verhalten. Sientemahl dieser handel von der Rechtfertigung so in vnsern Landen ersanden / darinnen grundlich explicirt wird / vnd der Augspurgischen Confession ganz vnd gar nicht zu wider &c. &c. Atq; hic Error precipue ansam pientissimo illi principi suppeditavit, progressu temporis nonnullos articulos in nostro libella reperendi & repurgandi.

IV.

Stancari, Justificationem nostram Christo, secundum solam humanitatem adscribens. Contra Tigurinos, in Apolog: contra  
Z. Osiand

Osiandri de officio Mediator. libr. de vera Concord  
Confess fidei Anno 1551. seq. Errorem autem  
suum Stancarus hauserat ex Lombard. lib. 3.  
dist. 19. & Scholasticis Thom. part. 3. Quest. 26.  
artic. 2. Bonaventurâ, art. 2. Quest. ult. Affe-  
clas habuit nonnullos in Poloniâ præsertim  
Andream Friccium Moderonum, Secretarium  
Regium. uti ex libris ipsius de Mediatore vide-  
re est, qui in publicam emissi lucem An. 1562.  
refutati verò à Wigendo. Stancari autem Hæ-  
resin multi impugnant, Philopp. Melancho-  
thon, Morlinus, Wigandus, Tigurin Casparus  
Heltus, Nicolaus Gallus, Confess Geran. &c.

Ubi non silentio prætereundum, Pon-  
tificios utroque; cum Osiandro & Stancaro ex  
æquo facere. Cum Osiandro quidem forma-  
lem Iustificationis causam in iustitia Dei no-  
bis infusâ & inhaerente consistere, statuentes,  
ita concilium. Tridentin. Sess. 6. cap. 7. Bellarm.  
lib. 2. de Iustific. c. 2. & 3. Becanus in Manuali lib. 1.  
cap. 16. §. 3. Formalis inquit Causa est iusticia  
inherens, quæ nos formaliter facit iustos. §. 4.  
p. 388. ibid. Quest. 1. p. 403. seq. Jesuitæ Wilm-  
ses in Assertionibus ex prælectionibus Paulini  
thes. 11. Mense Iunio Anno 1624. Iustificatio perfici-  
tur gratiâ & caritate, quæ in cordibus fidei tum per  
spiritum S. diffunditur, per quam per se & iusti in  
seipso & Deo grati constituuntur. In eo autem

Pontifi

Pontificii ab Osiandro discedunt: hic enim for-  
nalem iustificat: in iusticia divine essentialis  
inhabitatione collocabat: Hic verò in ejus-  
dem effectis, hoc est, meritis bonorum ope-  
um.

Cum Stancaro autem, negantes Chris-  
tum esse nostrum Mediatorem secundum divinam  
naturam, vid. Bellarm. l. 5. d. Christo.

V.

Error Schwencofeldii & Weigellii conspi-  
rat partim cum Osiandrismo partim cum Pa-  
pismo.

### V I.

Calvinianorum errores circa hunc articulu  
sufficienter recenset, & examinat Dn. Mentzerus  
in Exeg. membr. 6. Impingunt autem Calvi-  
niani circa omnes Iustificationis causas, statu-  
endo. 1. Gratiam Dei 1. absolutam. 2. ad so-  
los Electos restrictam: 2. Christi meritum parti-  
culare ad solos electos pertinere: 3. Verbum  
& Sacramenta ceu media ex parte Dei esse  
inefficacia, utpote in significando consistentia:  
quorum officium non sit amplius præter  
excludere, & inhonestare: 2 non nisi ad solos  
electos pertinere ratione finis salutaris: 4. Fi-  
dem 1. esse electorum tantum (intellige salvi-  
ficam) 2. excuti per peccata contra conscien-  
tiam non posse: 3 eam non solam, sed cum  
renovatione conjunctam iustificare & salvare.



5. *Subiectum* justificationis esse *solos Electos* &c. Hæc, & similia emblemata leguntur apud Synodales Dortrechtanos, & alios pristinos, & hodiernes Calvini gregales.

VII.

Photinianorum hæresin circa articulum presentem ex professo examinare brevior instituti nostri ratio haud permittit: sufficiat solummodo paucis lineolis eam recensuisse, juxta seriem in tractatione observatam: Breviter: Labefactant Photiniani universas Iustificationis causas, statuendo, 1. Misericordiam Dei absolutam citra meritum Christi, 2. Satisfactionem justitiæ divinæ læsæ pro peccatis nostris, 1. non fuisse necessariam. 2. fuisse impossibile, 3. ceu remissioni contrariam. 3. Verbum & Sacramenta efficaciam nullam habere effectivam, sed tantum objectivam & significativam: 4. Fidem Salvificam consistere in obedientia erga mandata Dei 5. Formalem Iustificationis causam non esse meriti Christi imputationem; sed absolutam peccatorum remissionem. 6. Finale non esse ostensionem justitiæ Dei vindicatricis, utpote, quam Deo esse ceu proprium attributum, & necessariū prorsus negant.

Talia effata reperiuntur, in scriptis Photinianorum: Socini contra Covetum de Seratore: Ostroedi in Justit: Smalci contra Dn Frantzi.

Frantzium, Michaelis Gittichii contra Lucium &c.  
Refutata verò extant plusquam centies à  
Theologis 1. Witebergensibus Dn. Frantzio  
prolixissimè Huttero p.m. in L. C. Balduino in-  
refut. Cathes. Cracov. Meisnero inrefutae. Con-  
sultationis Photinianorum, & Decad. 3. Anthro-  
polog. disputat. 25. & 26. 2. Giesensibus  
Dn. Menzero in Exegesi. 3. Lipsensibus D.  
Höpfnero. 4. Ienens. Dn. Graverø, Gerhard,  
M. Lucio contra Gittichium &c.

Appendicis loco, lubet Testimonia  
Antiquitatis, pro Solâ Fide justifican-  
te huc apponere; quæ nobis con-  
signata reliquit Dn. Chemncius  
part. 2. loco. de justific. titulo: de  
Particulâ Solâ fide fol 305. seq. p.m. 203.

Particula ( sola fide) in articulo Iustifica-  
tionis; non à nostris primùm excogitata; sed  
in tota antiquitate summo consensu in hoc  
articulo semper fuit usurpata; sicut exempla  
ex Patrum scriptis hoc demonstrarunt. Sen-  
tentia collectæ sunt à Roberto Barns, Æpino,  
Bullingero, Othone Corbero, &c.

Ambrosius quindecies repetit hanc ex-  
clusivam, Rom. 1. 3. 4. 10. 1. Corinth. 1. Gal. 1.  
& 3. Origenes in 3. ad Rom. in uno loco Ser-

pties repetit. *Basilii* in sermone de humilitate : Ita ait *Apollolus* : Qui gloriatur, in Domino gloriatur, dicens, quod *Christus* nobis factus est à DEO sapientia, iustitia, & sanctificatio, & redemptio, ut qui gloriatur in Domino gloriatur. Hoc enim est in Domino gloriari, quando quis non effertur *ἰνὴ δὲ λέγει* sed agnoscit, *ἐν δὲ ἑᾷ ὄντι* veræ iusticiæ, *καὶ δὲ μὴν ἡ ἐκ* *ἡμεῶν* dedignationem. Sic gloriatur *Paulus*, despiciens suam iusticiam, & quærens per *Christum* iusticiam Dei, quæ est per fidem.

*Hilarius* libro. 6. de Trinitate : Sola fides confessa *Filium Dei*, omnium beatitudinum gloriam meruit. Canone 8 in *Matth.* Movet *Scribas*, remissum ab homine peccatum. *Homines* enim tantum in *Christo* intuebantur, & remissum ab eo, quod lex laxare non poterat, fides enim sola iustificat.

*Chrysost.* in 8. cap. ad *Roman.* de illa sententia, *Spe salvi*, &c. Unum enim hoc tantummodò donum Deo obtulimus, quod futura nobis promittenti credimus, atq; hac solum via salvati sumus. Idem de fide & lege naturæ : *Latro credidit duntaxat*, & iustificatus est à misericordissimo DEO. Atq; hic ne mihi dixeris, defuisse ei tempus, quo iustè viveret & honesta opera faceret. Neque enim de hoc contenderim ego; sed illud unum asseverarim, quod sola fides per se salvum faceret. Nam

si sus



si supervixisset, fideiq; & operum fuisset negligens, à salute excidisset. Hoc autem non quæritur; sed agitur, quod fides *per se ipsum* saluum faceret; opera autem *per se* nullos unquam operarios iustificaverunt.

Gennadius in 3. ad Rom. Propterà omnes qui credunt in Christum, gratis iustificantur, tantum fidem afferentes,

Theophyl. Gal. 3. Planè demonstrat Apostolus, fidem ipsam vel *solam* iustificandi in se habere virtutem:

Bernhardus serm. 22. super Cantica: Quisquis pro peccatis compunctus fuerit, & sitit iustitiam, credat in te, qui iustificas impium & *solum* iustificatus per *fidem*, pacem habebit apud Deum.

Haymo Rom. 1. : Pluribus modis ostendit Paulus, iusticiam & salutem non esse per Legem, sed per fidem in Christum, ut à Lege abducat & *in solâ fide* Christi eos constituat. Idem in Evangelio de circumcisione Christi, de gentibus sic loquitur: *Solâ* tantummodò fide salvabuntur, sicut scriptum est, iustus ex fide *viver.*

Bonaventura in 4. sentent. dist. 15. q. 1. Quia homo non potuit pro tanta offensâ satisfacere: idèd dedit ei DEUS Mediatorem, qui satisfaceret pro offensâ, unde *in sola fide* passionis remittitur omnis culpa, & sine fide ejus nullus iustificatur.

Lyra in 3. ad Galat. Ad quid fuit Lex  
utilis non justificavit; sed sola fides, quare  
ergo posita est & data?

Glossa ordinaria Epist. Jacobi: Abraham  
per opera quæ fecit justus non fuit; sed so-  
lâ fide oblatio vera ejus est opus, & testimoni-  
um fidei & justiciæ.


Verè igitur possumus dicere cum Erasmo:  
Hæc vox (SOLA) fuit clamoribus lapidata,  
hoc seculo in Luthero, reverenter auditur &  
legitur in Patribus.

De Augustino clamitant Pontificii, quod  
non utatur illâ exclusivâ. Sed extat in ser-  
mone quadragesimali. Et in expositione hu-  
jus sententiæ, credidit Abraham DEO &c.  
Ecce sine operibus Legis justificatio ex fide,  
& quicquid ille legali observatione possit  
conferre, totum fides donavit. Ibid. Quod  
credidit Abraham DEO intus in corde, in sola  
fide est. In Johan. cap. 8. Trect. 42. præco-  
gnitis quod nō fuerant credituri in Fide,  
quâ solâ possent à peccatorum obli-  
gatione liberari. &c.


Conf. Comp. Vscd. pp. p. 372 et Lobeck. Dig. 7. in A. C. p. 1.


Gloria in excelsis Deo.












Biblioteka Jagiellońska





Biblioteka Jagiellońska



stdr0012641

